

CLASSIS XXIII.

POLYGAMIA.

MONOECIA.

ANDROPOGON.

48. ANDROPOGON *hirtum* spicis conjugatis, calycibus hirsutis. *Roy. Lugd. 5351.*

Habitat in Portugallia, legi ad Urbem Porto in montibus arenosis præruptis.

Radix fibrosa, fibris crassis, filiformibus: fasciculum magnum foliorum & nonnullos culmos emittens.

Culmi geniculati: geniculis omnibus paulo infractis, versus radicem magis approximatis, magno fasciculo foliorum antiquorum obtectis, superne subæquali spatio remotis, glaberrimis, ex geniculis s. alis ramulosi, præsertim ex superioribus.

Ramuli unico geniculo paulo infracto in medio instructi, ex geniculis inferioribus solitarii: ex suprema vero vagina plures egrediuntur.

Folia graminea, glauca, angusta, culmorum unius tertie partem æquantia; superiora breviora.

Vagina longa, glabra, striata, geniculis ramiferis ampliuscula, vix amplectens culmum, summa vagina plures includens ramulos, ceteris magis ventricosa & laxa.

Membracula ovata, acuta, ad basin pilosa: pilis raris, longis.

Spicæ binæ terminales singulo ramulo; quarum altera sessilis altera brevis pedunculata; pilosæ, compositæ floribus hermaphroditis & masculis in alterno denticulo, quorum hic pedunculatus & muticus, ille sessilis & longe aristatus est.

Floris sessilis hermaphroditi:

CAL. *Gluma* bivalvis, uniflora: *valvulis* oblongo-lanceolatis, membranaceis, convoluto-concavis: extus pilis sericis undique obtectis.

COR.